

O MULANGIDI

U BHANA NGOLOKELA IA UTUMINU UA JIHOVA



Ihi i tu Longa o
Phangu ia
MOZÉ

MUKONDA DIAHI A BHANGE O KADIVULU KAKA, O *Mulangidi*, u ximana Jihova Nzambi, o Suke-ku u Tumina o ngongo ioso. Kála m'ukulu o jinzo ja matala, ja kuatekesele o muthu ku tala o ima ia kexile mu bhita dikanga, kiene kimoxi ué, o kadivulu kaka, ka tu lombolola o izulukutu ia mu bhita lelu, kála kia i tange mu Bibidia. O ngolokela ié, ia njimbu iambote, i kuatekesa o athu o ku kala ni kidielelu, ni kuila o Utuminu ua Nzambi, unguvulu ua Kidi, ua mu tumina ku diulu, ua-nda zubha o jiphaxi joso, ni ku bheka o palaizu mu ixi ioso. Ka suínisa o kixikanu kua Jezú Kristu, uafú phala etu tu tambule o muenhu ua kalelaku, lelu ua mu tumina kiá kála Sobha ia Utuminu ua Nzambi. O kadivulu kaka, ene mu ka bhanga ku Jimbangi ja Jihova, se ku bhula tundé ku muvu ua 1879, ki ka zuela maka alungu ni jinguvulu ja ngongo. O maka oso a zuela, a tunda mu Bibidia, kála mutumini.

Ua mesena dingi ku tambula kilomboluelu, mba o ku u longa o Bibidia ku dibhata diê mu ngalasa?

Ku ku kunda www.jw.org
Sonekena ku Jimbangi ja Jihova,
mu kijimbuete kiala ku disukilu.

Phala o ÁFRICA DO SUL:
Jehovah's Witnesses
1 Robert Broom Drive East
Rangeview, Krugersdorp, 1739, R.S.A.

Phala ANGOLA:
Associação das Testemunhas de Jeová
Rua de Talatona, no 1, Luanda Sul

Phala kuijia o ijimbuete ia jifiliiale ja mu-kuá, tanga o www.jw.org/fale conosco.

O kadivulu kaka, ka ka bhange phala ku ka sumbisa. Ka tokala ku kikalakalu kia ku longa o Bibidia ku mundu uoso, a ka bhange ni kitadi kia bhana athu mu vondadi iá. Nange ku kala ilondekesu iéngi, maji o isoneku mu kadivulu kaka ka dízui dia lelu, a i katula mu *Mikanda Ikola*, kioso ki mu mona NW, *Ijimbulula Tradução do Novo Mundo das Escrituras Sagradas—Com Referências*.

The Watchtower (ISSN 0043-1087) is published semimonthly by Watchtower Bible and Tract Society of New York, Inc.; L. Weaver, Jr., President; G. F. Simonis, Secretary-Treasurer; 25 Columbia Heights, Brooklyn, NY 11201-2483. Printed in South Africa by Watch Tower Bible and Tract Society, 1 Robert Broom Drive East, Rangeview, Krugersdorp, 1739. © 2013 Watch Tower Bible and Tract Society of Pennsylvania. Todos os direitos reservados.

DIAMBU DIA KAPA

Nanhi Uexile Mozé? MBANDU 3

MOZÉ—DIIALA DIA KIXIKANU 4

MOZÉ—DIIALA DIA LENDUKA 5

MOZÉ—DIIALA DIA HENDA 6

TU SANGA-MU UÉ MILONGI ÍII

Zukama Kua Nzambi

—‘Muéne Nzambi ia . . . Athu Ala ni Muenhu’ 7

O Bibidia i Lungulula o Ukexilu ua Athu 8


Milongi i Zediuisa o Muji—Se o Mona u ua Vuala, Haxi 10

O ‘Milongi ia Juda’ Ihi? 13

Ibhuidisu ia Bibidia io Tambuijile 16



TANGA DINGI MU INTERNETE | www.jw.org



KALATÁ KA BIBIDIA—Izaú

Tala se uejiia kiambote o musoso ua Izaú,
phang’a Jakobo.

(Tala ku Iuiji, MILONGI IA BIBIDIA/ANA-NDENGE)



PHALA O MINZANGALA—O Kuila Ua-nda Kala u Mukua Henda?

Ijiia ihi ia longo Jezú ia lungu ni henda ni kathombo,
mu ku di longa o musoso ué ua beta o ku uijiia ku athu.

(Tala ku Iuiji, MILONGI IA BIBIDIA/MINZANGALA/ MILONGI IA BIBIDIA PHALA KU DI LONGA)

KATULA O KADIVULU
KAKA MU INTERNETE



NANHI UEXILE MOZÉ?

Ihi i u banza kioso ki uivua o dijina dia Mozé? O kuila u mu banza kuila . . .

- kabuetele a mu suekele kua manh'â mu kinda mu Ngiji ia Nilu?
- munzangala a mu sasele ku Ijitu kuala o mon'a Falaó uexile mvuama—maji ka di jimbile kuila uexile mukuá Izalaiele?
- diiالا diexile mubhidi ua jimbudi mu ixi ia Midliana mu 40 a mivu?
- diiالا dia zuelele ni Jihova* bhu pholo ia kisasa kia uamene túbhia?
- diiالا dia bhingile ni ku suína kuoso kua sobha ia Ijitu phala ku katula o mundu ua Izalaiele mu ubhika?
- diiالا ia mu tumine kua Nzambi ku kola o dikuinhi dia mabhebhu ku thandu dia akua Ijitu kioso o sobha iâ kia xingile o Nzambi ia kidi?
- diiالا dia bhuluile o mundu ua Izalaiele bhu maku a Ijitu?
- diiالا a mu tumine ku jikula o Kalunga ka Kusuka?
- diiالا dia bhanene ku akua Izalaiele o Dikuinhi dia Ijila ia ngene ia Nzambi?

MOZÉ ua bhangele o ima iosio ííi ni ima ia mu-kuá dingi. Mukonda dia kiki o diالا didi dia fiiele, a mu xila kiavulu ku Jikidistá, ku Jijudé ni ku akua muxulumanu!

Sé phata, Mozé uexile polofeta ia bhangele “madiuanu m’ónene.” (Matendelelu 34:10-12) Muéne uehela Nzambi ku bhanga madiuanu bhu kaxi kê. Maji Mozé uexile diالا kála etu. Kála o

* Jihova, diene o dijina dia Nzambi kala ki tanga o Bibidia.



polofeta Elija—ua monekene ku mbandu ia Mozé mu kisma kioso Jezú kia kexile mu ixi—Mozé ‘uexile muthu kála etu.’ (Tiiaku 5:17; Matesu 17:1-9) Mozé ua dibhanene ué ni maka u tuene mu dibhana nau lelu, maji ua di tundile kiambote.

Ua mesena kuijia ihi ia mu kuatekesa ku di tunda kiambote? Tua-nda di longa ídifua itatu ia londekesa Mozé, ni ihi i tu tena o ku di longa ku phangu iê.



MOZÉ DIALA DIA KIXIKANU

O KIXIKANU IHI? Kála ki zuela o Bibidia, “kixikanu” kilombolola ku xikina mu ima kiluua i moneka. O muthu uala ni kixikanu kua Nzambi, u dielela kuila muéne ua-nda kumbidila o ikanenu iê ioso.

KIEBHI MOZÉ KIA LONDEKESA O KIXIKANU?

Mozé ua londekesa kuila ua dielele ku ikane-nu ia Nzambi. (Dimatekenu 22:15-18) Mozé ueji kala mvuama mu Ijitu, maji ‘ua solo-bho o ku tala hadi ni mundu ua Nzambi, mu veji dia ku tam-bula mbote ijila mu ituxi, ji bhanga ngó kitha-ngana.’ (Jihebelevu 11:25) O kuila muéne ua solo sé ku xinganeka, iu ueji diela ku pholo? Kana, mukonda o Bibidia i zuela ia lungu ni Mozé kuila, muéne “u *kolokota* ni ufiiele kala uala ku mona Nzambi, ió ka moneka ku mesu.” (Jihebelevu 11:27) Mozé ka diela ku ima ioso ia solo, mukonda dia kixikanu kiê.

Mozé ua suínisine o kixikanu kia akuâ. Xinganeka ihi ia bhitile kioso akua Izalaiele kia mono o masoladi a Ijitu ku dima diâ, o ku pholo diâ kuexile o Kalunga ka Kusuka. Ni uôma uavulu, o mundu ua Izalaiele ua di kolele kua Jihova ni kua Mozé. Ihi ia bhangele Mozé?

Mozé kejidile kuila Nzambi ueji jikula o Kalunga ka Kusuka phala o mundu ku bhita. Maji Mozé ua kijidile kuila Jihova ueji bhanga *kima* phala ku bhulula o mundu Uê. Mozé ua mesenene kuila, o mundu u kala ni kixikanu kua Nzambi kala kia kexile na-kiu muéne. O Bibidia i zuela: “Mozé anga uambela o mundu, uixi: Ki mu kale ni uôma; ximbakatenu nda mu mone o Ubhuluilu ua Jihova, ua-nda ku mi bhanga lelu.” (Makatukilu 14:13) O kuila Mozé ua tena ku suínisa o kixikanu kia akua Izalaiele? Ua tenene, mukonda o Bibidia i zuela ia bhitile ni Mozé ni akua Izalaiele: ‘Kiejila mu kixikanu, *an’a* Izalaiele a zaúka o Musanza ua kalunga ka kusuka mu mavu a kukuta.’ (Jihebelevu 11:29) O kixikanu ki ki bhuluile ngó Mozé, maji ni mundu uoso.

PHANGU IAHI I TU KATULA KUA MUÉNE?

Kala Mozé tu tena kulondekesa kuila tua dielela ku ikanenu ia Nzambi. Mu kifika, Nzambi u tu kanena ku dikila o ibhindamu ietu, se tu dianga ku ta ku pholo o ubhezulu uetu kua muéne. (Mate-su 6:33) Mu kidi, ku bhonza ku kolokota ku ta ku pholo o ubhezulu ua Nzambi, mukonda o athu ku mundu, ene mu lalama dingi ni ima ia mundu. Maji kioso ki tu kamba ku sota o ima ia mundu, phala ku ta ku pholo o ubhezulu ua Nzambi, Jihova u dikila o ibhindamu ietu ioso. Muéne u tu kanena: “Eme nuka nga kà mi xisa, ki nga kà mi ehelela ue, kana.”—Jihebelevu 13:5.

Etu ué tuene mu bhanga ioso phala ku suínisa o kixikanu kia akuetu. Mu kifika, o jitata ja unjimu, a kuatekesa o tuana tuâ ku kala ni kixikanu kua Nzambi. Kioso kiaia ni ku kula, o tuana a bhangi kuijia kuila kuene Nzambi ni kuila muéne u tu longa kioso kia uabha ni kia iibha. Ene a tokala kuijia kuila o ku belesela Nzambi, o kima kia tokala ku muenhu. (Izaia 48:17, 18) O ujitu ua dikota u tena o ku bhana o jitata ku tuana tuâ, o ku a kuatekesa kuijia kuila “sai-ku Nzambi, kuma muène mukua kubhandulula oso a mu sota ni muanu.”—Jihebelevu 11:6.





MOZÉ DIIALA DIA LENDUKA

O KU LENDUKA IHI? O ku lenduka kulombolola ku kamba ku dizangeleka, ku kamba ukumbu. O muthu ua lenduka, ka mono kuila muéne ua beta-kota akuâ ndenge. Ue-jiia ué kuila muéne mukua ituxi, uene mu lueza ni kuila ka tena ku bhanga ioso.

KIEBHI MOZÉ KIA LONDEKESA O KU LENDUKA?

Mozé ka kexile mu dizangeleka mukonda dia ku kala ku pholo dia mundu. Kioso muthu kia tambula kikalakalu kia dikota, athu a tena ku mu mona se ua lenduka mba kana. O ngana Robert G. Ingersoll, ua zuela kiki: “Athu avulu a tena ku kolokota mu ibhidi. Maji se ua mesena kuijiia o ukexilu ua muthu, mu tule ngó ku pholo ia kikalakalu.” Mu ukexilu iú, Mozé ua xisa phangu iambote ia ku lenduka. Kiebhi kia bhange kiki?

Mozé a mu bhanene kikalakalu kia dikota kua Jihova kia ku kala mutuamene ua mundu ua Izalaiele. Maji muéne ka dizangelekele kana. Mu kifi-ka, xinganeka kiebhi muéne kia batuile o maka alungu ni ku tambula undundu. (Dialuilu 27:1-11) Kia bhonzela kiavulu ku batula o maka enhá, mukonda o maka eji kala phangu phala o miji ku pholo.

Kiebhi-phe Mozé kiejí batula o maka? O kuila ua banzele kuma, mukonda dia ku kala o mutuamene ua Izalaiele, ueji tena ku batula o maka mu nguzu iê? Ueji dielela mu uhete ni mu unjimu uê mba ueji dielela mu kuijiia kua kexile n’a-ku kua Jihova?

Kiki, kiene kiejí bhanga o muthu u dizangeleka. Maji ki kiene kia bhangele Mozé. O Bibidia i zuela: “Mozé anga u bheka o maka mâ bhu pholo dia Jihova.” (Dialuilu 27:5) Xinganeka bhofele! Sumbala Mozé uexile mutuamene ua kifuxi kia Izalaiele mu 40 a mivu, muéne ka dielele mu kilunji kiê, maji ua dielele kua Jihova. Kienhiki, tu tena ku mona o kulenduka kua Mozé.

Mozé ka banzele kuila muéne ngó ua tokalele ku kala ku pholo mu ku tumina. Muéne ua sangulukile kiavulu, kioso Jihova kia solo athu kala jipolofeta phala ku mu kuatekesa. (Dialuilu 11:

24-29) Kioso o ukouê, Jetulu, kia mu bhanene o ndunge ia ku sola maiala phala ku mu kuatekesa, ni kulenduka kuoso, ua xikina o ndunge íii. (Makatukilu 18:13-24) Mu ukukilu uê, sumbala ua kexile hanji ni nguzu, Mozé ua bhangi kua Jihova, muthu phala ku mu bhangana. Kioso Jihova kia solele Josuué phala ku mu bhangana, ni kulenduka kuoso, ua kuatekesa o munzangala, iu ua tendelela o mundu ku belesela o itendelesu ia Josuué ia kua endesa katé mu Ixi ia a Kanene Nzambi. (Dialuilu 27:15-18; Matendelelu 31:3-6; 34:7) Phala Mozé, kixile ujitu ua dikota ku kala ku pholo ia mundu ua Izalaiele mu ubhezulu ua kidi. Maji muéne, ka betele ku bhana valolo ku kikalakalu kiê, o athu ndenge.

PHANGU IAHI I TU KATULA KUA MUÉNE? Ki tu tokala kuehela kuila o kutena mba uhete, u tu bhangesa ku dizangeleka ku pholo dia akuetu. Ijiia kuila: Phala ku kala ni valolo bhu pholo ia Jihova, ki tu tokala ku dizangeleka mukonda dia uhete uetu. (1 Samuuele 15:17) Se tu kala tu athu a lenduka, tua-nda tena ku kumbidila o milongi ia Bibidia iambe: “Dielela kua Jihova ni muxima uê uoso, kana ku dielela ngó ku kilunji kiê.”—Jisa-bhu 3:5, 6, NW.

O phangu ia Mozé, i tu longa kuila ki tu tokala ku dizangeleka ni ujitu u tua tambula.

O kuila tu katula mbote mu ku kaiela o phangu ia kulenduka kua Mozé? Tu katula! Se tu kala tu athu a lenduka, tua-nda sangulukisa o athu a tu kondoloka ni ku tu zola dingi. A-nda beta ku tu zola dingi kua Jihova Nzambi, o mukua kídifua kiki. (Jisálamu 18:35) O Bibidia i zuela: ‘Nzambi u dituna akua izala, u bhana-phe o ujitu uê kua ió a lenduka.’ (1 Phetele 5:5) Kiki kiene ki tu bhangesa ku kaiela o phangu ia kulenduka kua Mozé!



MOZÉ DIALA DIA HENDA

O HENDA IHI? O henda ilombolola o ukexilu ua ku kuata ukamba ua kidi ni akuenu. O muthu ua henda ulondekesa o henda mu izuelu ni mu ima ia bhanga, né muene se o ku bhanga kiki, ku bhinga ku bhanga kima.

KIEBHI MOZÉ KIA LONDEKESA O HENDA? Mozé ua londekesa kuila ua zolele Nzambi. Mu ukexilu uebhi? Lembalala o izuelu i tu sanga mu divulu dia 1 Nzuá 5:3, diambe: “O henda ia kuzola Nzambi inhi’íi, o kualuka o ijila iê.” Mozé ua kexile mu kumbidila o kitumu kiki. Mozé ua belesela Nzambi mu ithangana ioso. Mu kifika, Mozé ua belesela kioso kia mu tumine ku zuela ni sobha Falaó, ni ku sununa o mbangala mu Kalunga ka Kusuka. Ki kale se o kitumu kia bhonzele mba kana, Mozé ua kexile mu belesela. O Bibidia i zuela: “Mozé anga u ki bhanga; kioso kia mu tumu Jihova.”—Makatukilu 40:16.

Mozé ua londekesele kuila ua zolele o mundu ua Izalaiele. Ene ejidile kuila Jihova muéne ua kexile mu tumina Mozé ku a endesa. Mukonda dia kiki, ene akexile mu bhixila kua Mozé phala ku batula o maka mâ. O Bibidia i zuela: “Mundu uemana ua mu bhongolokela tunde kimene katé ngoloxi.” (Makatukilu 18:13-16) Mozé ua kexile mu bhuila kiavulu mu kuívua o mundu ola joso! Maji Mozé ua sangulukile kiavulu ku kuatekesa o athu a zolele muéne.

Mozé ka kexile ngó kua evua kana, maji ua kexile ué mu a sambela. Muéne ua kexile ué mu sambela o athu a bhangele kia iibha kua muéne! Mu kifika, kioso Midiiiana phange’a Mozé, kia kexile mu longolola Mozé, Jihova ua mu kaxtikala ni dibhute. Mu veji dia ku sanguluka, Mozé ua bhangile mu musambu: “Nzambi, mu sake, nga ku dióndo.” (Dialuilu 12:13) Ihi ieji bhangesa Mozé ku samba phala Nzambi ku loloka phang’iê?

PHANGU IAHI I TU KATULA KUA MUÉNE? Tu tena ku kaiela o phangu ia Mozé mu ku londekesa

o henda ietu kua Nzambi. O henda íii, i tena ku tu kuatekesa ku belesela o ijila iê “ni muxima uoso.” (Loma 6:17) Kioso ki tu belesela Jihova ni muxima uoso, tu sangulukisa o muxima uê. (Jisabhu 27:11) Tu katula ué mbote. Kioso ki tu sidivila Nzambi mu henda, ki tua-nda bhanga ngó o ima ia tokala, maji tua-nda *sanguluka* ué mu ku i bhanga!—Jisálamu 100:2.

Tu tena ué ku kaiela o phangu ia Mozé, mu kulondekesa o henda ietu ku akuetu. Kioso o makamba mba jindandu jetu kia bhixila ko kuetu ni maka mâ, o henda i tu suínisa (1) ku a evua kiambote, (2) ku divua kála kia mu divua ene ni (3) kulondekesa kuila tua a suu.

Kála Mozé, tu tena ku a tumbula mu misambu ietu. Saí ithangana tu luuala kiavulu mukonda ki tu tena ku a kuatekesa. Nange tu zuela ni ku luuala: “Kima kia iibha ki ua mu bhita nakiu, eme ngi divua kia iibha, ngi tena ngó ku samba phala Nzambi ku ku kuatekesa.” Maji ijiia-kiu kuila: ‘O musambu ua muthu ua iuka, uala ni kutena kuavulu.’ (Tiiaku 5:16) O misambu ietu i bhangesa Jihova ku kuatekesa o muthu ua bhindama. O kuila saí kima kia beta dingi kota ki tu tena o ku bhanga phala ku kuatekesa o athu, o ku samba ndenge?*

Eie ku xikina kuila tu tena ku di longa kiavulu ku phangu ia Mozé? Sumbala uexile dijala kala etu, muéne ua tu xila phangu ia dikota ia kixikaku, kulenduka ni ia henda. Se tu kaiela jinga o phangu iê, tua-nda tena ku zediua ni ku kuatekesa akuetu.—Loma 15:4. ■

* Phala Nzambi kuívua o misambu ietu, tua tokala ku bhanga nguzu phala ku belesela o itumu iê. Phala kuijiia dingi, tanga o kibatulu 17 kia divulu, *Mu Kidi Ihi i Longa o Bibidia?* a di bhange ku Jimbanga ja Jihova.

‘Muéne Nzambi ia . . . Athu ala ni Muenhu’

O kuila o kalunga ka beta o kutena, Nzambi ndenge? Kana! Kiebhi o kufuá mba nguma iéngi, i tena ku kala dingi ni kutena, “Nzambi Muteni-alo” ndenge? (1 Kolindo 15:26; Makatukilu 6:3) Nzambi uala ni kutena kua ku zubha o kalunga bhu kaxi ka difukunukinu iu ua kanena ku bhanga kiki ku mundu uobhe.* O kuila o kikanenu kiki kiana dikumbidila? O mon’a Nzambi, Jezú, u tu zuelela ni izuelu i tu bhana kidielelu.—**Tanga Matesu 22:31, 32.**

Mu kuzuela ni jisaduseu, ka xikinine ku difukunukinu, Jezú uambe: “O phata ia madifundu ku fukunuka, kífua kiluua mu tanga kia mi ambe-ia Nzambi, uixi: Eme ngi Nzambi ia Mbalahamu, Nzambi ia Izake, Nzambi ia Jakobo? Nzambi, ki Nzambi ia madifundu, maji ia athu ala ni muenhu.” Mu kithangana kiki, Jezú ua kexile mu tumbula o izuelu ia Jihova kua Mozé mu kisasa kia uamene túbhia mu 1514 A.K.K (Makatukilu 3:1-6) Kala kia zuela Jezú, o izuelu ia Jihova kua Mozé —“Eme ngi Nzambi ia Mbalahamu, Nzambi ia Izake, Nzambi ia Jakobo”—kilombolola kuma o kikanenu kia difukunukinu kiana di kumbidila. Kiana bhita kiebhi?

Xinganeka o maka. Kioso Jihova kia zuelele ni Mozé, o Mbalahamu, ni Izake, ni Jakobo, ká kexile dingi ku muenhu—tundé kia fuile Mbalahamu, kua bhitile kiá 329 a mivu, Izake, ua bhitile kiá 224, Jakobo, 197 a mivu mu mbila. Maji Jihova uambe “Eme *ngi*—kambe kuila, “Eme *nga kexile*” Nzambi iâ. Jihova ua tumbula o jiselevende jê jiji kala akexile hanji ku muenhu. Mukonda diahi?

Jezú ua tambuijila: ‘[Jihova] ki Nzambi ia madi-

* Phala kuijia dingi o kikanenu kia Nzambi kia lungu ni difukunukinu ku mundu ua ubhe, tanga o kibatulu 7 kia divulu, *Mu Kidi Ihi i Longa o Bibidia?* a di bhangе ku Jimbangi ja Jihova.

fundu, maji ia athu ala ni muenhu’. Xinganeka ihi i lombolola o izuelu iiii. Se ki kueji kala difukunukinu, Mbalahamu, Izake, ni Jakobo ka-nda vutuka-phe ku muenhu. Se kiki kiene, Jihova ueji kala Nzambi ia madifundu. Kiki kieji londekesa kuila o kalunga ka beta o kutena, Jihova ndenge—kieji londekesa ué kuila muéne kale ni kutena kua ku bhulula o jiselevende jê ku kalunga.

Ihi-phe i tu banza ia lungu ni Mbalahamu, Izake, ni Jakobo ni jiselevende ja Jihova afú kiá? Jezú ua zuela: “Ene oso muene, ku mesu a Nzambi, iá-uâ ni muenhu.” (Luka 20:38) Mu kidi o kikanenu kia Jihova kia ku fukununa o jiselevende jê, kia kidi muene, katé muene u a tumbula kala ala hanji ku muenhu. (Loma 4:16, 17) Jihova ua ka bhaka o jiselevende jê jiji ja fiiile katé o kithangana kia ku a fukununa.

O kuila o kidielelu kia ku kala dingi ni ndandu iê uafú kiá, ki ku uabhela? Ijia-kiu-phe kuma Jihova

Jihova kotelele, o kalunga ndenge

kotelele, o kalunga ndenge. Se-ku kima ki tena ku mu fidisa ku fukununa o athu. Ku tokala ku di longa dingi ia lungu ni difukunukinu ni Nzambi, uanda kumbidila o kikanenu kiki? Se u bhanga kiki, uanda zukama dingi kua Jihova o ‘Nzambi ia . . . athu ala ni muenhu.’■



KALA KIA TANGE, LUIS ALIFONSO

MUVU UA MU VUALA:

1982

MUKUA:

REPÚBLICA DOMINICANA

MUSOSO:

UA KUDILA KALA
MÓRMON

“Ene a Mesenene Kuila, Ngi Tungununa mu Diami o Kidi kia Bibidia”

MUSOSO UAMI: A ngi Vualele ku mbanza ia Santo Domingo ku ixi ia República Dominicana. Tu kiwana kia jiphange, mala atatu ni muhatu umoxi, eme ngi kasule mu divumu dia mam’etu. O jitata jetu akexile ni ukexilu uambote, ia a mesenene ku tu sasa mu kaxi ka athu a ukexilu uambote. Ande dia ku ngi vuala, o jitata jami a tokalele mu ngeleja ia Mórmon. Mukonda dia uzuatelu uambote ni ukexilu uambote ua kexile mu londekese o minzangala exile akunji mu ngeleja ia Mórmon, o jitata jami a solo ku bhanga mbandu ia ngeleja ííi.

Kioso ki nga kexile mu kula, nga kexile mu uabhela kiavulu o ikakalaku ia kexile mu bhanga mu ngeleja, eme nga kexile mu xila o ilongesu ia Mórmon ia lungu ni ku bhana valolo ku muiji ni ku kala ni ukexilu uambote. Nga zolele kiavulu ku bhanga mbandu ia ngeleja ia Mórmon, eme nga suu mbambe ia ku kala mukunji ua Mórmon.

Kioso ki nga tenesa 18 dia mivu, eme ni muiji uami tuai mu tunga mu ixi ia Estados Unidos phala ngi tene ku di longa mu xikola iambote ia katunda. Mu ku bhita muvu umoxi, o phange ia ndenge ia mam’etu ni muadi uê, exile Jimbangi ja Jihova, ejile mu mbanza ia Flórida mu tu kunda. Ene a tu ixana phala kuia-nâ mu kiônge kia dikota kia Jimbangi ja Jihova. Nga sangulukile kiavulu mu ku mona athu oso a ngi kondolokele ku tanga o Bibidia ni ku soneka o jipondo ja betele kota. Kienhiki, nga bhingi kisoneku ni papela, eme nga mateka ku soneka uami o jipondo ja beta-kota.

Kioso kiabhu o kiônge kia dikota, o phange ia ndenge ia mam’etu ni muadi uê, mukonda dia ene kuijiia kuila eme nga mesenene ku kala mukunji, a mesenene ku ngi kuatekesa ku di longa o Bibidia. Nga mono kuila kima kiambote o ku di longa o Bibidia, mukonda nga kexile ngó mu di longa divulu dia Mórmon, o Bibidia kana.

O BIBIDIA IA LUNGULULA O UKEXILU UA MUENHU UAMI: Kioso ki tua kexile mu di longa o Bibidia bhu kaxi ka Mutelembe ua kafuelele, o phange ia ndenge ia mam’etu ni muadi uê, akexile mu ngi tangela phala ku sokesa o ima i nga kexile mu di longa mu ngeleja iami ni milongi ia Bibidia ia kexile mu ngi longa. Ene a Mesenene kuila, ngi tungununa o kidi mu diami.

Nga xikinine mu ima iavulu ia lungu ni Mórmon kala ia kidi, maji nga kexile ni phata se o ilongesu ia Mórmon ia kexile ué mu Mikanda Ikola. O phange ia ndenge ia mam'etu ua ngi tumikisa *Desperta!* 8 ia mbeji ia Kamoxi ua 1995, a di bhange ku Jimbangi ja Jihova, mua kexile milongi ia tokalele mu ngeleja ia Mórmon. Nga sasumuka kiavulu mu ku mona kuila kua kexile ilongesu iavulu ia ngeleja Mórmon i nga kambele o ku ijia. O milongi ia ngi suínisa o ku tokuesa kiambote o kijimbuete kia Mórmon mu internete phala kuijia se o milongi ia kexile mu *Desperta!* iexile muene ia kidi. Iexile muene ia kidi, mukonda nga i mono kioso ki nga ile mu kunda o muzeu ua Mórmon mu mbanza ia Utah.

Eme nga xikinine kuila o Divulu dia Mórmon ni Bibidia ia kexile ni ibanzelu imoxi. Maji kioso ki nga mateka o ku tanga o Bibidia, nga mono kuila o ilongesu ia Mórmon ni milongi ia Bibidia ki iene imoxi. Mu kifika, mu divulu dia Izekiiele 18:4, o Bibidia i zuela kuila o muenhu ufuá. Maji mu divulu dia Mórmon, mu Alma 42:9, di zuela: “O muenhu ki u tena kufuá.”

Ko ilongesu ngó ííi, ni ilongesu ia mukuá ia lungu ni ku di ta mu maka a ixi, ia kexile ué mu divulu dia Mórmon, ia ngi luualesa kiavulu. Mu kifika, akua Mórmon ene mu a longa kuila o jaludim ia Edene ia kexile mu Condado de Jackson, Missouri. O jipolofeta ja jingeleja, amba kuila saí kizuaa, “O utuminu ua Nzambi ua-nda tumina o ixi iosi ni dibandela dilondekesa o ufólo ua athu oso bhu kaxi ka unguvulu ua ixi ia Estados Unidos.”

Nga kexile mu dibhudisa se kiebhi kiki ki tena ku bhita mu ixi iami—mba mu jixi ja kamúkua. Eme nga zuela o maka enhá ni munzangala mukua Mórmon akexile mu ku mu longa phala ku kala mukunji mu ngeleja ííi. Nga mu ibhuidisa se muéne ueji tena ku bhanga ni phang'íe mukua Mórmon, se ixi ié i bhanga ni ixi ia mukuá. Nga di uana kiavulu kioso muéne kia ngi tambuijila kuila ueji bhanga! Nga di bhakula mu ku di longa dingi ia lungu ni kixikanu kiami, eme nga soto ué o atuameni a ngeleja ia Mórmon. Ene a ngi tambuijila kuila kua bhangile thembu iavulu phala kuijia o kikutu kia itambuijilu ia ibhuidisu iami.

Nga luuala ni kitambuijilu kiá, ki ngi mesenene dingi ku di longa phala ku kala mukunji a Mórmon. Nga mesenene kiá ngó ku kala mukunji, phala ku

kuatekesa athu engi. Nga mesenene kiavulu ku ngi-jiia ku athu kuila ngi mukunji. Maji ki ngi kijidile kiavulu kia lungu ni Nzambi. Sumbala nga tangele kiá o Bibidia veji javulu, ki ngi kexile mu i bhana valolo. Eme ki ngi kijidile iebhi o vondadi ia Nzambi phala o ixi ni athu.

MABESÁ U NGA TAMBULA: Mukonda dia ku di longa o Bibidia ni Jimbangi ja Jihova, ngejiia diebhi o dijjina dia Nzambi, ihi i bhita kioso ki tu fuá, ni kikalakalu kiebhi kiala na-kiu Jezú mu ku kumbidila o vondadi ia Nzambi. Kioso ki nga suluka o ku tanga dingi o divulu didi dikola, nga uabhele kuzuela ni akuetu ia lungu ni iosi o nga kexile mu di longa. Nga kijidile kuila kuene muene Nzambi, maji mu kithangana kiki, ngi tena kuzuela nê, bhu kaxi ka musambu kala Kamba diami dia kazola. A ngi batizala kala ngi Mbangi ia Jihova mu kizuaa 12 kia mbeji ia Kavua ka muvu ua 2004, mu ku bhita mbeji jisamanu, nga mateka o ku kalakala kala muboki ua thembu iosi.

Nga bhange mivu itanu mu sidivisu ia thembu iosi mu Mbonge ia Jimbangi ja Jihova ku mundu uoso ku Brooklyn, ku Nova York. Nga sangulukile kiavulu mu ku tena ku kalakala bhu kididi bhuene mu sokejeka o ji Bibidia, ni madivulu metu a tena ku lungulula o ukexilu ua athu mu ixi iosi, eme ngene mu sanguluka kiavulu mu ku kuatekesa akuetu kuijia Nzambi. ■





Se o Mona u ua Vuala, Haxi

CARLO:* “O mon’etu, Angelo, uala ni uhaxi ua uongo. O uhaxi uê, ua kexile mu tu katula o nguzu ni ku tu bhuidisa mu ukexilu uoso. Se o ku langa o mona uala ni sauidi iambote ku bhinga kiá nguzu iavulu, ihi i tuamba ia lungu ni mona haxi.”

MIA: “Kua bhingile muanhu uavulu phala Angelo kuijiia katé muene o ima iofele. Njinda ia kexile mu ngi kuata kiavulu ni ku bhuila, ni ku dizangala ni muadi uami Carlos. Saí ithangana ki tua kexile mu di tendela kiambote, etu tua kexile mu zoka.”

Eie u tena ku di lembalala o kizuaa ki ua vuala mon’ê? Sé phata eie ua sangulukile kiavulu mu ku kuata mon’ê bhu maku. Maji phala o jitata kála Carlos ni Mia, o ku zediua ku bhua kioso kia mi tangela kuila o mona, muéne haxi mba kinema.

Eie ua mu sasa mona, haxi? Kienhiki-phe nange u dibhudisa se ua-nda tena ku mu kuatekesa muene. Se kiene, kana ku thandanganha. Jitata kala eie, ene mu di tunda kiambote mu maka enhá. Tunda di longa ibhidi itatu iene mu bhita ni athu i u tena ku dibhana nau ué, ni kiebhi o milongi ia Bibidia i tena ku ku kuatekesa.

* O majina a a lungulula.

KIBHIDI 1: KI BHONZA KIAVULU KU XIKINA KUILA O MONA U UA MU VUALA, HAXI.

Jitata javulu a divua kia iibha kioso kia a tangela kuila o mon’ê haxi. Juliana mama mu ixi ia México, uambe: “Kioso o jidotolo kia ngi tangela kuila o mon’etu, Santiago, ua kexile ni uhaxi mu uongo, kia ngi bhekela ku xinganeka kiavulu ku muxima. Kiexile kala o mundu ua buile ku thandu diami.” Athu a mukuá a divua ué kala kia divu o mama a mu ixana Villana. Muéne uambe: “Nga mesenene ku vuala mona né muene se kiki kieji ngi bhekela ibhidi iavulu. Maji kioso mon’ami kia tala hadi

mukonda dia uhaxi ua uongo, eme ngi divua kala, eme ngala ni kikuma.”

Se ua mu bhanga ni ukexilu ua ku di tatela, ejjia na-kiu kuma *ki kituxi kana*. O uhaxi ki uexile vonda-di ia Nzambi ku dimatekenu. (Dimatekenu 1:27, 28) Nzambi ka bhange o jitata ni uhete ua ku kiki-na o ima ia iibha. Kienhiki, eie nange u “ditenda”—mukonda o mon’ê haxi. Ua-nda bhinga kithangana kiavulu phala ku xikina o ukexilu ua mon’ê.

Ihi i ua tokala o ku bhanga se u banza kuila eie uala ni kikuma ku uhaxi ua mon’ê? Lembalala kuma, se-ku muthu uejjia kiambote o ukexilu uetu ni ima ia mukuá i bhangesa o mona ku kala ni sauidi iambote. Nange, u tatela o muadi uê. Kana ku bhanga kiki. O kima ki ua tokala o ku bhanga, o ku kala ku mbandu ia muadi uê mu ku kuatekesa o monenu.—Ndongixi 4:9, 10.

NDUNGE: Di longe o uhaxi ua mon’ê. O Bibidia i zuela: “O ku tunga dibhata unjimu u u kala na-u, ki u tabhu masunga-phe, dibhata ua di fikidila.” —Jisabhu 24:3.

Eie u tena kuijjia kiambote o maka a mon’ê se u zuela ni ji dotolo, ni ku tanga madivulu a zuela o maka alungu ni uhaxi ua mon’ê. Kia soko ni ku di longa dimi diéngi. Ku dimatekenu ku bhonza kiavulu, maji eie u tena o ku di longa.

Carlos ni Mia, u tua a tange ku dimatekenu dia milongi ííi, a soto kikuatekesu kia dotolo iâ ni bhu kaxi ka kisangela ki batula maka alungu ni uhaxi ua mon’â. Ene ambe: “Kiki ki ki tu kuatekesa ngó ku tendela o maka u tueji dibhana nau ku pholo, maji o ‘ukexilu uambote’ ua uhaxi. Tua mono ué kuila o mon’etu ueji tena ku kala ni ukexilu uambo-te ku muenhu. Kiki kia tu bhana nguzu phala ku mu kuatekesa kiambote.”

FIKISA HANJI: Ijjia ihi i tena ku bhanga o mon’ê. Kuatekesa o mon’ê ku bhanga o ima i bhanga o muiji. Kioso o mon’ê kia tena ku bhanga, né muenne “kima kimoxi ngó” mu ximane kiavulu, sangulu-ka ni muéne.

KIBHIDI 2: EIE U BHUILA NI KU DIVUA UBHEKA UÊ.

Nange u divua kuila o ku kuatekesa mon’ê haxi, ku ku katula o nguzu ioso. Jenney, mama mu ixi ia

Nova Zelandia uambe: “Kioso kia ngi tangela kui-la mon’ami uala ni uhaxi, u tu ixana mu phutu, espinha bífida, nga bhuila ni ku dila kiavulu kioso ki nga kexile mu bhanga o ikalakalu kubhata.”

Nange o kibhidi kia mukuá, o ku divua ubheka. Ben uala ni mon’ê ni uhaxi u tu ixana mu phutu, *distrofia muscular e síndrome de Asperger*. Muéne uambe: “Saí athu ka-nda tena ku tendela kiebhi ki tua mu divua.” Nange u mesena kuzuela ni muthu o maka mê. Maji eie uejjia kuila o makamba mê ala ni tuana tuala ni sauidi iambote. Mu kiki, eie ku-zuela nau o maka u ua mu bhita nau.

NDUNGE: Bhinga kikuatekesu. Xikina o ndunge ia ku bhana. Juliana, tua mu tange kiá ku dima, uambe: “Saí ithangana eme ni muadi uami tu kala ni jisonhi ja ku bhinga kikuatekesu.” Maji muéne uambe: “Tua di longo kuila tua tokelele muene o kikuatekesu kia akuetu. Tu divua kiambote kioso akuetu kia tu kuatekesa.” Se kamba diê dia kazo-la, mba muthu ku muiji u bhinga phala ku kala ni mon’ê mu kithangana kia ku tonoka mba mu kiô-nge, xikina ni kisangusangu kioso. O Bibidia i zuela: ‘O dikamba dia kidi, u zola mu thembu joso; ndandu i moneka mu ithangana ia jiphaxi.’ —Jisabhu 17:17.

Langa o sauidi iê. Kala ki bhanga o dikalu diambata o jihaxi, ku bhinga ku di ta kazolina mba kazoliu phala diene di tene kuambata o jihaxi mu inzo ia ku saka. Eie ua bhangi ué ku kala ni nguzu mu mukutu, mu kudia kiambote, ni ku nhoha kiambote phala ni u kale ni nguzu ia ku kuatekesa kiambote o mon’ê. Javier, uala ni mona kinema, uambe kiki: “Kuma mon’ami ka tena kuenda, ngi sota kudia kiambote. Mukonda eme ngi mu amba-ta. O inama iami, iene o inama iê!”

Kiebhi ki u tena ku kala ni kithangana kia ku langa o sauidi iê? Saí jitata a di kuatekesa mu ku langa o mona. O jitata ala ni ukexilu iú, a tokala a kala ni kithangana kia ku nhoha ni ku bhanga ima ia kamúkua. Kiki ki bhinga kueha ku bhanga ima ia mukuá kubhata ki iala ni valolo ia dikota, phala ku tena ku langa kiambote o mona ua kate. Maji kala Mayuri, mama mu ixi ia Índia, uambe: “Eie ua-nda kuijidila o ku bhanga o kikalakalu kiki.”



Londekesa kuila ua mu suua o an'ê oso

Zuela ni muthu ua mu dielela. Né muene ni makamba kala ni ana a kate, a tena ku kuívua ni henda ioso. Eie ué u tena ku samba kua Jihova Nzambi. O kuila o misambu i kuatekesa muene? Yazmin uala ni tuana tuiadi ni uhaxi u tu ixana mu phutu, fibrose cística, muéne ua zuela: “Saí ithangana nga kexile mu divua kala nga mu fuá.” Maji muéne uambe: “Ngi samba kua Jihova mu ku bhinga kikuatekesu ni nguzu. Anga ngi kala dingi ni nguzu phala ku suluka.”—Jisálamu 145:18.

FIKISA HANJI: Tonginina kiambote o kudia ku udia, o itonokenu i u bhanga, ni kithangana ki u zeka. Ijia ihi i ua tokala kueha o ku bhanga phala ni u tene ku nhoha kiambote. Kolokota o ku sokejeka o ima i u bhanga.

KIBHIDI 3: KU SUUA DINGI O MONA UA KATE, O ATHU A MUKUÁ KU MUIJI NDENGE.

O uhaxi ua mona-ndenge u fidisa o kudia kua muiji, kuebhi kuia o muiji, ni ithangana ikuxi i bhita o jitata ni tuana tua disanze. Mukonda dia kiki, o tuana tua mukuá, nange a mona kuila ka mu a suua ku jitata. O jitata a tena ku kala ni kikalakalu kiavulu mu ku langa o mon'ê ua mu kata, ni ku bhangesa o ukaza ku kala ni ibhidi. Lionel, tata mu ixi ia Libéria, uambe: “Saí ithangana muhatu uami uamba kuila, muéne ua beta ku langa o mon'etu, eme ndenge, ni kuila ki ngi suu mon'etu. Ngi divua kuila muéne ka ngi xila, anga ngi dizangala kiavulu ni muéne.”

NDUNGE: Phala kulondekesa ku tuana tuenu kuila, enu mua a suu, bhanga itonokenu ia a uabhela. Jenney, u tua mu tange kiá, uambe: “Saí ithangana

tu bhanga ima ia katunda phala o mon'etu ua dikota, né muene se ku bhinga kuia né ku dimosala bhu ididi ia mu uabhela kiavulu.”

Phala ku langa o ukaza uê, zuela ni kaza diê ni mu sambe kumoxi. Aseem, tata mu ixi ia Índia uala ni mona uala ni uhaxi, ua ku disu-suina, uambe: “Sumbala eme ni muhatu uami, tua kexile mu divua kia iibha, ni ku bhuila, tua kexile mu kala kumoxi, ku samba ku moxi ni ku di zuelesa. Imene-mene ioso, ande dia mon'etu ku balumuka, tu tanga velusu ia Bibidia.” Makaza a mukuá a zuela ande dia ku zeka. O ku di zuelesa ni ku samba ni muxima, kua-nda mi suínisa mu ithangana íii. (Jisabhu 15:22) Saí dikaza, diambe: “O ithangana iambote mu ukaza uetu, o ithangana ia bhonzo phala etu.”

FIKISA HANJI: Ximana o tuana tua mukuá, kubhata mu ioso ia bhanga phala ku kuatekesa o phang'îa ua kate. Izuua ioso londekesa o henda iê kua ene ni ku kaza diê.

KALA NI KIDIELELU

O Bibidia i zuela kuila, kua kambe ngó bhofele, Nzambi ua-nda zubha o mauhaxi moso ene mu talelesu hadi ku minzangala ni ku adiakimi. (Djingu-nuinu 21:3, 4) “Ki bhua kà kala mukua-bhata . . . uila: ‘Nga kata.’”^{*}—Izaia 33:24.

Mu kithangana kiki, eie u tena ku di tunda kiambote se uala ni mona, haxi. Carlos ni Mia, u tua tange kiá, ambe: “Kana ku zoka se u mona kuila o ima ki iala kiambote, xinganeka mu ima iambote i tena ku bhanga o mon'ê ua kate, mukonda u tena ku bhanga ima ia mukuá iambote.” ■

^{*} U tena kuijia dingi ia lungu ni kikanenu kia Bibidia ia ku kala ni sauidi ia iuka mu kibatulu 3 kia divulu didi, *Mu Kidi Ihi i Longa o Bibidia?* a di bhangé ku Jimbangi ja Jihova.

DIBHUDISE . . .

■ *Ihi i ngi tena o ku bhanga phala o sauidi iami i kale kiambote mu maukexilu oso?*

■ *Kizuua kuxi ki nga sakidila an'ami mu ku kuatekesa phang'îa ua kate?*

O 'Milongi ia Juda' IHI?

KU mbeji ia Kasamanu ua 2006, o ji jurnale ku mundu uoso ja bhana ngolokela ia kuila, ki-buka kia akua ku tokuesa kia kexile mu londe-kesa ku athu oso, milongi iokulu ia sangele, a ixana: "O milongi ia Juda." O akua ku tokuesa, amba kuila o milongi íii ia-nda tu kuatekesa kui-jiia kiambote o ukexilu ua Juda, o dixibulu dia sumbisa Jezú. Kala kilondekesa o milongi íii, o Juda uexile muthu ua suína, o poxolo ua kexile mu tendela kiambote Jezú, ni kuila ua sumbisile Jezú mukonda muéne ua mu bhingile o ku bha-nga kiki.

O kuila o milongi íii ia kidi muene? Se kiene, o kuila iene i tanga o ima io sueke ia lungu ni Juda dia Kadiota, Jezú Kristu mba o ima ia lungu ni Jikidistá ja dianga? O kuila o milongi íii i fui-nhisa o ukexilu uetu ua ku mona Kristu ni ilo-ngesu iê?

A SANGE O 'MILONGI IA JUDA'

Ki tuejiia kiambote kiebhi kia sange o milongi ia Judá. O madukumendu a moneka mu ithanda ku muvu ua 1970 mba ku muvu ua 1980, Mu veji dia ku a sanga ni ku a bhaka ku akua ku sota o ima koxi a mavu. Nange a a sangele ku Ijitu ku muvu ua 1978 ku mbalale, ka kexile-ko dingi mu funda-ku athu, nange mu mbila. Iexile mbandu juana ja moneka mu divulu, a di xana *códice* (di-vulu diokulu) a di sonekene mu dimi dia *Cóptico* (dimi diokulu dia tundu mu dimi dia akua Ijitu).

O *códice* íii a i bhakele mivu iavulu bhu kididi kia kukuta ku Ijitu, maji kioso kia i katula-mu,



ia tokala kua Doré

Foto ia Juda ua mu bhana Jezú ku jinguma jê, ku hama 19, ia tokala ku Gustave Doré

iene ia mateka o ku di budika. Saí akua ku to-kuesa, a alondekesa o *códice* ku muvu ua 1983; maji akexile mu i sumbisa kalu iavulu, muko-nda dia kiki, ene ka tena ku sumba o mikanda íii. Mu ku bhita mivu iavulu se ku i bhana valo-lo, ni ku kala bhu kididi kia iibha, kia bhangesa o *códice* ku di budika dingi kiéngi. Ku muvu ua 2000, o *códice* a i sumbu ku ngenji ia muhatu, mukua Suíça. Iu ua i bhana ku kibuka kia ku tokuesa ala ni uhete, mu ku langa o ima ia sa-nga koxi a mavu, ni ku kibuka kia, "A Sociedade Geográfica Nacional" a a bhana o kikalakalu kia ku lungulula kiambote o *códice* íii, mukonda kua

kexile jimbandu ja kexile mu tandujuka. O kibuka kiki, kiejji tokuesa ué o mivu ia *códice* íii, ku i lungulula ni ku i jimbulula.

O ukexilu ua ku kondala o ji thembu bhu kaxi ka Carbono 14, ua te kidimbu ku *códice* íii, kia kuila a i bhangé ku muvu ua 200 mba ku muvu ua 300, mu K.K. Maji akua ku tokuesa amba kuila o milongi mu dimi dia *Cóptico* mu ‘milongi ia Juda’ ia tundu mu dimi diokulu dia Ngeleku. Kithangana kuxi kia soneka o ‘milongi ia Juda?’

O ‘MILONGI IA JUDA’—KI I TOKALA MU BIBIDIA

O kizuelu kia dianga ki tumbula o ‘milongi ia Juda,’ a ki sange mu izuelu ia diála a mu ixanene Irineu, musoneki uexile Kidistá mu hama ia kaiiadi K.K. Mu divulu diê, *Contra as Heresias*,

“O milongi ka i soneka mu thembu ia Juda, ku muthu ua mu ijidile kiambote”

Irineu ua sonekene ia lungu ni ibuka iavulu ia athu, a zembebe o ilongesu iâ, uixi: “Ene amba kuila Juda, ua sumbisa Jezú, . . . muéne ngó uejidile kiambote o kidi, kia lungu ni kikutu kia tele ni Jezú kia ku mu sumbisa. Bhu kaxi kê, ima ioso mu ixi ni ku diulu iexile kavuanza. Ene a bhangenge musoso ua makutu mu ukexilu iú, ia a u ixana, ‘Milongi ia Juda.’

Irineu ua mesenene ku dituna o ilongesu ia makutu ia Jikidistá exile *Gnósticos*, akexile mu zuela kuila ala ni kuijia kua soko. O *Gnosticismo*, ibuka ia athu, kala kibuka u tendela o “kidi” mu ukexilu uê. O *Gnósticos*, akexile mu katula o milongi iâ mu ilunji iâ, ia a muanganesa o ilongesu iâ mu hama ia kaiidi K.K.

O milongi íii ia akua *Gnósticos*, saí ithangana ia kexile mu zuela kuila o jipoxolo ja Jezú ka ke-

xile mu tendela kiambote o njimbu ia Jezú, ni kuila saí kikutu, Jezú ua ki jingunuina ngó ku athu ofele.* Saí akua *Gnósticos*, a xikinine kuila o ixi iexile kaleia. Mukonda dia kiki, akexile mu zuela kuila o “mubhangi ua ima ioso,” o nzambi ia Mikanda ia Jihebeleu, uexile nzambi ia tolo nguzu, ua kexile mu zemba o jinzambi ja iuka. Ene a xikine kuila o muthu uala ni “kuijia” kua soko, u tena ku mona kuila o muthu ua bhangi ku xisa o mukutu uê ua xitu ni ku kala ni mukutu ua nzumbi.

Kiki kiene kia bhitile ni ‘milongi ia Juda.’ I mataka kiki: “Kiki kiene o kikutu kia Jezú kia jingunuine kua Juda dia Kadiota, ku nake dia izuua, izuua itatu ande dia ku bhangá o fesa ia Phasu.”

O kuila o *códice* íii, o milongi ia sonekene Irineu ia fikile kuila ia jimbidile? Marvin Meyer, diála dia tokalele mu kibuka kia diangele o ku tokuesa ni ku lungulula o *códice* íii, u zuela kuila, ‘o maka a zuela Irineu, a tokala muene mu milongi ia *Cóptico* a ixana o *milongi ia Juda*.’

AKUA KU TOKUESA KA XIKINA O UKEXILU UA JUDA—A ULONDEKESA MU MILONGI ÍII

Mu ‘Milongi ia Juda,’ Jezú uelela ni ku sebhu-lula kioso o maxibulu mê kia londekesa kuila ene ka kexile ni kuijia kua soko. Maji Juda, muéne ngó bhu kaxi ka dikuinhi ni kaiidi kia jipoxolo ua londekesa kuila uejidile kiambote o ukexilu ua Jezú. Kienhiki, Jezú ua zuela ngó ni muéne o “ikutu ia utuminu.”

O kibuka kia dianga kia lungulula o milongi ia Juda, a xikina mu izuelu ia Irineu. Mu milongi iâ, ene a zuela kuila, Juda uexile muthu a mu zolele kiavulu kua Jezú, kuila muéne ngó ueji tena ku tendela kiambote o ikutu ia “utuminu” ni “ku bokona” mu utuminu. Mukonda dia ku a nganala, o jipoxolo eji sota muthu uéngi phala ku bhingana bhu kididi kia Juda, maji o Juda iú, ueji kituka o “dikuinhi ni katatu ka nzumbi” “ueji kala [ku pholo dia maxibulu oso]” mukonda Jezú ua-

* O akua ku tokuesa, a bhanene o majina ku athu ejidile kiambote o milongi ia kidi ia Jezú, ku milongi íii, kala kia bhangenge ni “Milongi ia Tomé” ni “Milongi ia Madiia dia Manda.” O akua ku tokuesa, a sange-ku kiá 30 a milongi iokulu.

Se-ku muthu ua tena kulondekesa kuila o milongi ia Juda, ia bhiti muene



Kenneth
Garrett/National
Geographic
Stock

mbe, “Eie ua-nda ngi kuatekesa ku xisa o muku-tu uami ua xitu.”

O asoneki a katunda, kala Bart Ehrman ni Elaine Pagels, akexile ué ku pholo mu Ukidistá, ni mu *Gnosticismo*, ni lusolo luoso, a soneka madivulu a lungile ni ‘milongi ia Juda.’ O milongi ia kexile mu madivulu enhó, ia sokele ni milongi ia lunguluile kiá ku kibuka kiokulu. Maji mu ku bhita kithangana, o asoneki a mukuá kala, April DeConick ni Birger Pearson, alondekesa kuila a thandanganhele uá ni maka enhá. Ene ambe kuila “*A Sociedade Geográfica Nacional*,” ia londekesele ni lusolo o milongi íii ku athu. Ene a mono ué kuila, o asoneki ka kaiela o maukexilu oso a ku tokuesa o milongi.

DeConick ni Pearson a mono kuila, saí milongi ia betele kota mu *códice*, ka i lunguluile kiambote ku asoneki okulu. Mu milongi ia lunguluila DeConick, Jezú uixana Juda o “dikuinhi ni katatu ka Dimonho,” ka mu ixana kala, “dikui-nhi ni katatu ka nzumbi.”* Jezú uambe ué kuila Juda *ka-nda* bokona mu “utuminu.” Mu veji dia ‘ku kala ku pholo’ ia maxibulu oso, Jezú u zuela kua Juda: “Eie ua-nda beta ku bhanga kia iibha, ene ndenge. Mukonda eie ua-nda ngi katula o mukutu iú ua xitu.” Mu kibanzelu kia DeConick, o asoneki a ‘milongi ia Juda’ akexile mu sebhulula o jipoxolo joso. DeConick ni Pearson a suku mu kuzuela kuila mu ‘milongi ia Juda,’ o Juda kexile muthu ua suína kana.

* O asoneki a zuuela kuila Juda uexile dimonho mu milongi íii —muthu uejidile kiambote o ukexilu ua Jezú, o maxibulu a mukuá ndenge—a mono o ukexilu iú, ku madimonho a a tumbula mu divulu dia Marku, akexile mu zuela o ukexilu ua Jezú.—Marku 3:11; 5:7.

IHI I TU TENA O KU DI LONGA KU ‘MILONGI IA JUDA?’

Ki kale se o asoneki, a mono kuila mu milongi íii, Juda uexile muthu ua suína mba dimonho, se-ku muthu ua tena kulondekesa kuila o milongi ia Juda, ia kidi muene. Bart Ehrman ua jimbulula: “Ki Juda ua soneka o Milongi íii, mba muthu uamba kuila muéne ua i soneka. . . . O milongi ka i soneka mu thembu ia Juda, ku muthu ua mu ijidile kiambote . . . Kienhiki, ki divulu dia-nda tu bhana milongi ia kidi ia lungu ni iosio ia bhitile ku muenhu ua Jezú.”

O ‘Milongi ia Juda’ milongi ia makutu ia kexile ku hama ia kaiiadi K.K., a diangele ku i soneka mu dimi dia Ngeleku. O asoneki kejiia luua se o ‘Milongi ia Juda’ iene ia kexile mu zuela Iri-neu. Maji o ‘Milongi ia Juda’ ia londekesea kuila kua kexile kithangana, o Jikidistá ja makutu akexile mu bheka o ilongesu ia makutu mu “Kilunga” ia bhangesa o Jikidistá ku di uanuna mu ibuka. Mu veji dia kulondekesa kuila o Mikanda Ikola ia mu zuela makutu, o ‘Milongi ia Juda’ ilondekesa kuila o jingolokela ja kexile mu bhana o jipoxolo, kala o ngolokela ia bhana Phaulu mu divulu dia Ikalakalu 20:29, 30, iambe: ‘Ngejiia kuma, ki nga-nda ku tunda-bhu’iki, . . . mu dienu muene, hinu mu moneka athu a tanga ima ia makutu, ia ku nganala, ni ku sunga o maxibulu ku mbandu iâ.’ ■

Nanhi ua bhangе o Diabhu?

Nzambi ki muéne ua bhangе o Diabhu. Maji Nzambi ua bhangele anju ia *di bhangе* Diabhu, a mu ila ué Satanaji. Jezú uambe kuma, saí kithangana, muéne ande dia ku kala Diabhu, uexile muthu ua iuka, ka kexile ni kituxi. Mu dimatekenu, muéne uexile mona ua iuka ua Nzambi ku diulu.—**Tanga Nzuá 8:44.**

Kiebhi o anju imoxi ia di bhangе Diabhu?

O anju íii ia di bhangе Diabhu, mukonda ua solo ku zoka ni Nzambi, iu ua sungu o dikaza dia dianga phala ku kala ku mbandu iê. Mu ukexilu iú, o anju íii ia *kituka* “Nguma” ia Nzambi.—**Tanga Dimatekenu 3:1-5; Dijingunuinu 12:9.**

Kala o ji-anju ni athu, o anju ia di bhangе Diabhu, ua kexile ni ufôlo ua ku sola ku bhanga o kima kia uabha ni kima kia iibha, maji muéne ua solo ku mu bheza ué. O hanji iê ia ku mu bheza, a vudile, o hanji ia ku bheza Nzambi ndenge.—**Tanga Matesu 4:8, 9; Tiiaku 1:13, 14.**

Kiebhi o Diabhu uene mu kolokota mu ku nganala o athu? O kuila ua tokala ku mu kala ni uôma? U tena ku sanga o itambuijilu ia ibhuidisu íii mu Bibidia.

Phala kuijii dingi, tanga o kibatulu 10 kia divulu didi, a di bhangе ku Jimbangi ja Jihova



TANGA DINGI O ITAMBUIJILU IA IBHUIDISU
IA BIBIDIA MU INTERNETE